



## II. ATALA BIZKAIKO LURRALDE HISTORIKOKO TOKI ADMINISTRAZIOA

### Bilboko Udala

#### 2024ko Bilboko Balioen Hiria Sariak 6. lehiaketa

Gobernu Batzordearen 2024ko urtarrilaren 17ko erabakiaren bidez, 2024ko Bilbao Balioen Hiria Sarien 6. Aldia arautzen duten oinarrien deialdia onartu da, bat etorrira Diru-laguntzei buruzko 38/2003 Lege Orokorraren 23.2.a) artikularekin, zeinek, bere berezitasunari erreparatuta, baimentzen duen oinarriak deialdian bertan sartzea, Udalbatzarrak 2016ko ekainaren 30ean onartutako Udalaren eta zuzenbide publikoko bere erakundeen eta entitateen deialdiaren bidez diru-laguntzak emateko oinarriak arautzen dituen Ordenantza Orokorraren Lehenengo Xedapen Gehigarrian aurreikusitako eran.

Hala ere, hautagaiak aurkezteko epea Diru-laguntzen Datu Base Nazionalaren bidez deialdiaren laburpena argitaratzen denean hasiko da, aipatutako 38/2003 Legearen 20.8.a) artikuluan aurreikusitakoaren arabera.

Bilbon, 2024ko urtarrilaren 17an.—Herritarren Arretako eta Partaidetzako zuzendaria, Miren Gotzone Zaldunbide.—Euskara, Herritarren Arretako eta Partaidetzako, 2030 Agenda eta Nazioarteko Gaietako Saileko zinegotzi ordezkariaren oniritzia, Eider Inunciaga Serna



## BILBO BALIOEN HIRIA SARIEN DEIALDIA ARAUTZEN DUTEN OINARRIAK SEIGARREN EDIZIOA

Bilbo Balioen Hiria proiektu parte-hartzailea da eta, haren bidez, analisirako, elkarriketarako, gogoetarako eta lankidetzarako gunea sortu da erakundeen, elkarteen, enpresen, komunikabideen, talde politikoen eta, oro har, herritarren artean. Horren ondorioz, 2018an Bilboko Balioen Agiria dokumentua onartu zen. Bertan jasotzen dira uriaren ezaugarri diren eta datozen urteetako Bilboren garapena gidatu behar duten 17 balioak.

Bilbon balioak sustatzeko eta garatzeko egiten ari den guztiaren aitortpen modura, Bilboko Udalak Bilbo Balioen Hiria Sarien seigarren edizioa deitu du.

Deialdi honen xedea da ezagutza publikoa agertzea Bilboko Balioen Agirian jasotako balioak sustatzen edo garatzen dituzten ekimenei, gauzatu direnei edo gauzatzen ari direnei auzoetan, barrutietan edo urian.

### 1. Helburua

Saritzea eta jendaurrean aitortzea Bilbon Balioen Agirian jasotako balioak gauzatu dituzten edo gauzatzen ari diren eragileen lana.

### 2. Saria

Saria izango da 3.300 euroko diru-zenbatekoa ematea erakunde irabazleei, Bilbo Balioen Hiria proiektuarekin eta Bilboko Balioen Agiriarekin daukaten konpromisoagatik ezagutza agertzeko jendaurreko ekitaldi batean.

Gehienez hiru sari eman ahal izango dira. Hala ere, epaimahaiak saria eman gabe utz dezake

### 3. Parte-hartzaile motak

Hiru sariak mota hauetako edozeinek garatutako proiektuetan banatuko dira:

- Irabazi-asmorik gabeko elkarteak eta erakundeak. Elkarte eta erakunde horiek Bilboko Udalaren Herritarren Partaidetzako Entitateen Erregistroan izena eman da egon behar dute eta proiektua Bilbon garatua izan behar du.
- Bilboko ikastetxeak. Haur hezkuntzako, lehen hezkuntzako edo derrigorrezko bigarren hezkuntzako, batxilergoko edo/eta erdiko mailako formazio zikloetako ikasleek parte hartu behar dute proiektu horietan.
- Unibertsitateak, baldin eta proiektua Bilbon garatu bada eta sariketara aurkezten den fakultatea Bilbon badago.
- Sektore pribatuko enpresak, saltokiak, ostalaritzako establezimenduak, lanbide-elkargoak eta antzeko erakundeak. Bilbon egon behar dute kokatuta.

### 4. Baldintzak

- Proiektu guztiak izan behar dute zerikusia Bilboko Balioen Agiriak jasotzen dituen 17 balioetakoren bat edo batzuk garatzearekin.
- Sarira aurkezteko, erakundeak, ikastetxeak, enpresak, etab. Bilboko Balioen Agiriari atxikita egon behako dute eskabidea aurkezten den egunean.
- Proiektu guztiak eginda edo gauzatzen egon beharko dute. Oraindik hasi gabeko edo ideia-fasean dauden proiektuak ez dira onartuko.  
Urte batean irabazle izan ez diren proiektuak beste edizio batean aurkeztu ahal izango dira, abian jarraitzen badute.
- Proiektuak ezin dira ikastetxeen, enpresen edo elkarteen eguneroko jarduera deskribatzera mugatu. Ekintza zehatzei buruzkoak izan behar dute, eta ez erakundeen jarduera orokorrari edo urteko memoria bati buruzkoak.
- Proiektu guztiak genero-ikuspegia txertatu beharko dute, eta hizkera ez-sexista erabili.



- f) Saria jaso ahal izateko, erakundeek ezin dute zorrik eduki zergen arloan eta Gizarte Segurantzarekin. Inguruabar hori ofizioz egiaztatuko du Udalak, salbu eta erakundeek espresuki horren aurka egiten badute. Kasu horretan, adierazitako ziurtagiriak aurkeztu beharko dituzte eskaerarekin batera.  
Era berean, ezingo dute inolako zorrik izan Udalarekin.
- g) Saritutako erakundeek Udaleko Hirugarrenen Erregistroan alta eman beharko dute (dagoeneko ez badaude).

## 5. Balorazio-irizpideak

Saria emateko, balorazio-irizpide hauek hartuko dira kontuan:

- Proiektuaren helburuak eta Bilboko Balioen Agiriarekin daukan lotura.
- Sormena (ikusuntuaren originaltasuna eta proiektuaren izaera berritzailea).
- Parte-hartzaileen kopurua.
- Proiektuaren xede diren kolektiboak eta non aplikatuko den. Zer inpaktu izan duen.
- Belaunaldiartekoa izatea. Andrazkoen eta gizonezkoen arteko berdintasuna eta gizarte-kohesioa sustatzea.
- Proiektuko eragileen eta parte-hartzaileen aniztasuna. Sartzen dira beste erakunde batzuk, proiektua aurkezten duenaz gain?
- Ingurumen- eta gizarte-jasangarritasuneko irizpideak txertatzen ote diren proiektua gauzatzean edo ezartzean.

## 6. Aurkeztu beharreko agiriak

Euskarako, Herritarren Arreta eta Partaidetzako, 2030 Agendako eta Nazioarteko Gaietako Sailak prestatu duen eskabide-orriaren eredia bete eta sinatu beharko da. Beste batzuen artean, alderdi hauek jasotzen dira:

### *Erakundearen datuak*

- Sariaren izena: Bilbo Balioen Hiria Sariak.
- Parte hartzen duen erakunde mota.
- Proiektua aurkezten duen erakundearen, ikastetxearen, unibertsitatearen edo enpresaren, saltokiaren, ostalaritzako establezimenduaren, elkargo profesionalaren edo antzeko erakundearen izen osoa.

### *Proiektua aurkezten duen pertsonaren datuak*

- Proiektua aurkezten duen pertsonaren izen-abizenak eta erakundearen, ikastetxean edo enpresan, saltokian, ostalaritzako establezimenduan, elkargo profesionalan edo antzeko erakundeetan betetzen duen kargua.
- Proiektua aurkezten duen pertsonaren NAN/AIZ/Pasaportearen, posta-helbidea, helbide elektronikoa eta harremanetarako telefonoa.

### *Proiektuari buruzko datuak*

- Proiektuaren izena (euskaraz eta gaztelaniaz).
- Proiektuaren deskribapen laburra, euskaraz eta gaztelaniaz (gehienez 150 berba).
- Proiektuaren helburuak eta Bilboko Balioen Agiriarekin daukan lotura.
- Bilboko Balioen Agiriko zein baliorekin identifikatzen den (balio bat edo bat baino gehiago).
- Egin diren jarduerak, hauek aipatuta:
  - Jarduera horietan parte hartu duten pertsonak eta taldeak, adinen arabera eta intereseko beste ezaugarri batzuen arabera.
  - Jarduera horiek egin diren lekuak eta espazioak.
  - Jardueren iraupena eta maiztasuna.



- Erakundeak proiektuaren emaitzen inguruan egin duen balorazioa, helburuei dagokienez.
- Beste alderdi batzuk, aurkeztutako eta gauzatutako proiektua hobeto aditzeko baliagarri irizten zaienak.
- Horrez gain, beste material batzuk aurkeztu ahal izango dira (argazkiak edo ikus-entzunezkoak), parte-hartzaileekin egindako jardueren garapena erakutsiz.

## *Erantzukizuneko adierazpena*

Adieraziz ez diotela eragiten Dirulaguntzen Lege Orokorraren 13. artikuluan ezartzen diren debekuek eta Emakumeen eta Gizonen berdintasunerako 4/2005 Legearen 24.2 artikuluan ezartzen diren debekuek, eta ez daukala zorrik zergen arloan eta Gizarte Segurantzarekin.

## **7. Aurkezteko epea, lekua eta modua**

Erakundeek egoki iritzitako proiektu guztiak aurkeztu ahal izango dituzte eskabide bereizietan, proiektu bakoitzerako eskabide-orri bat beteta. Edozelan ere, sari bakarra jasoko dute.

Hautagaitzak aurkezteko epea deialdia Bizkaiko Aldizkari Ofizialean argitaratu eta biharamunean hasiko da. Epea 2024ko otsailaren 29an bukatuko da.

Aurkezteko modua. Eskaerak Udaleko Erregistro Orokorraren bidez aurkeztu behar dira, bai udalaren webgunearen bidez, bai barrutietako udaltegietako bulegoetan aurrez aurre (aurretiko hitzordua eskatzea komeni da).

Proiektuak aurkezteak esan nahi du berariaz eta formalki onartzen direla deialdi honen oinarrietan zehaztutako baldintzak, bai eta epaimahaiak hartzen dituen erabakiak ere.

## **8. Epaimahaia**

Epaimahaia osatzeko Emakumeen eta Gizonen Berdintasunerako martxoaren 3ko 1/2022 Legearen 3. eta 20. artikulua hartuko dira kontuan, eta hauek osatuko dute:

1. Epaimahaiburua: Alkatea, baina Euskarako, Herritarren Arreta eta Partaidetzako, 2030 Agendako eta Nazioarteko Gaietako Saileko zinegotzi ordezkariaren gain utzi ahal izango du.
2. Kideak:
  - Euskarako, Herritarren Arreta eta Partaidetzako, 2030 Agendako eta Nazioarteko Gaietako Saileko ordezkari bat.
  - Berdintasun, Bizikidetza, Lankidetza eta Inmigrazio Saileko ordezkari bat.
  - Hezkuntza Saileko ordezkari bat.
  - Hiri Kontseiluko ordezkari bi.
3. Idazkaritza: Euskarako, Herritarren Arreta eta Partaidetzako, 2030 Agendako eta Nazioarteko Gaietako Saileko langileek beteko dute idazkari kargua.
4. Epaimahaiari laguntza teknikoa emateko eginkizunak, beharrezkoa bada, Bilboko Udaleko Euskarako, Herritarren Arreta eta Partaidetzako, 2030 Agendako eta Nazioarteko Gaietako Sailak bere langileen artean izendatutako pertsona batek beteko ditu.

Bilboko Udaleko Euskarako, Herritarren Arreta eta Partaidetzako, 2030 Agenda eta Nazioarteko Gaietako Sailak bere esku izango du oinarri hauek interpretatzea, hala behar bada, bai eta epaimahaiaren jarduteko arauak zehaztea ere, eta bere esku izango ditu saria emateari buruzko ahalmen gorenak, edo, egoki bada, sariak eman gabe uzteari buruzkoak.

## **9. Epaia**

Epaimahaiak, behin epaia emandakoan, saria emateko proposamena aurkeztuko dio Gobernu Batzordeari.



Epaia sarietan parte hartu dutenei jakinaraziko zaie 2024. urteko lehen seihilekoan. Epaimahaiaren erabakia kideen gehiengo soilez hartuko da, eta apelaezina izango da. Lehiaketan parte hartzeak oinarriak onartzea dakar.

## 10. Sariak banatzea

Sariak horretarako antolatutako jendaurreko ekitaldi batean banatuko dira; ekitaldia Bilbon izango da, irabazleei, gainerako parte hartzaileei eta herritar guztiei dagokionean jakinaraziko zaien datan.

## 11. Saria kudeatzea eta baldintzak onartzea

Euskarako, Herritarren Arreta eta Partaidetzako, 2030 Agendako eta Nazioarteko Gaietako Sailari dagozkio deialdi honek dakartzan kudeaketa-lanak.

Bilbo Balioen Hiria Sarien deialdian parte hartzeko eskabidea aurkezteak Oinarri hauek onartzea dakar; halaber, baimena ematen da proiektuaren izenburua, deskribapen laburra eta irudiak eta sustatzen duen erakundearen izena zabaltzeko. Zabalkunde hori Bilboko Udalaren ohiko bideen bitartez egingo da.

Proiektuak aurkezten dituztenek baimena ematen diote Bilboko Udalari egilea nor den aipa dezan deialdi honekin zerikusia duen edozein zabalkunde jardueratan, hargatik sorrarazi gabe eskubide ekonomikorik edo sariak berak dakartzan diru zenbatekoaz eta bestelako prestazioez besteko onurarik.

Oinarri haueetan araututa ez dauden puntuetan, Bilboko Udalaren Dirulaguntzen Ordenantza aplikatuko da (Bilboko Udalak eta zuzenbide publikoko erakundeek eta entitateek deialdi bidezko dirulaguntzak emateko oinarriak arautzen dituen Ordenantza Orokorra, Bilboko Udalbatzak 2016ko ekainaren 30ean onartua, eta Bizkaiko Aldizkari Ofizialean 2016ko uztailaren 20ko 138. zenbakian argitaratua).



## 1. ERANSKINA

### BILBOKO BALIOEN AGIRIA

#### Giza Eskubideen Errespetua

- Bilboko biztanleak Giza Eskubideen adierazpen unibertsalean aldarrikatutako eskubide eta askatasun guztien jabe dira. Eskubide horiek berdinak dira pertsona ororentzat, besterenezinak eta unibertsalak.
- Gure konpromisoa: Bilbon bizi diren pertsona guztien oinarrizko eskubideak errespetatzea, bermatzea eta sustatzea, pertsona guztiek -bakoitzaren inguruabarrak kontuan hartu gabe- euren duintasunaren arabera bizi ahal izateko behar diren baldintza sozialak, ekonomikoak eta kulturalak bultzatuta.

#### Justizia soziala

- Gure ustez, justizia soziala da ondasun sozialen bidezko banaketa lortzea, horrela pertsona guztien duintasuna eta gizarte-kohesioa bermatuko baitira gure urian. Premisa bat bete behar da horretarako, guztien ongia interes pribatuaren gainetik egotea.
- Gure konpromisoa: aberastasuna berriro banatzeko benetako eta behar besteko mekanismo eraginkorrak ahalbidetzea, oinarrizko askatasunak baliatu ahal izateko gutxieneko baldintza materialak bermatu daitezten.

#### Emakumeen eta gizonen arteko berdintasuna

- Gure ustez, emakumeen eta gizonen arteko berdintasuna pertsonen duintasun unibertsalean oinarritutako balioa eta nazioarteko zuzenbidearen obligazioa da; gainontzeko oinarrizko eskubideen inspirazio-iturria ere bada. Berdintasunak esan nahi du diskriminaziorik ez egotea eta aukeretan eta baliabideetan ere berdintasuna egotea.
- Gure konpromisoa: emakumeak gizarteko eremu guztietan presentzia aktiboa izatea bultzatzea; emakumeen eta gizonen arteko erantzunkidetasunaren alde lan egingo dugu eta genero-indarkeriaren aurrean, 0 tolerantzia.

#### Elkartasuna

- Gure ustez, elkartasuna da egoera bidegabeen aurrean gure urian erantzukizun partekatua izatea eta horretaz jabetzea.
- Gure konpromisoa: bidegabekeria-egoerei buelta emateko jardutea, egoera ahu-lean eta desabantailan dauden pertsonen edo taldeen alde eginda.

#### Aniztasuna eta inklusioa

- Gure ustez, dibertsitatea/inklusioa da pertsonen arteko aldeak errespetatzea, euren orientazio eta nortasun sexuala, kultura, erlijioa, aukera ideologikoa eta politikoa, gaitasun funtzionala eta bestelako inguruabarrak zein-nahi izanda ere.
- Gure konpromisoak: aniztasuna ikusaraztea; inguru baztertzailak ezereztea eremu eta inguruabar guztietan; kultur arteko elkarrizketarako eta aniztasunaren onarpenerako zeharkako proposamenak garatzea; sektore anitzen parte-hartzea eta inklusioa sustatzea; bereizkeria nola sortzen den erakustea, modu pedagogikoan; eta gure urian aurreiritziak eta estereotipoak elikatzen dituzten diskurtsoei aurre egitea.

#### Konpromisoa

- Gure ustez, konpromisoa da beste pertsona, instituzio, enpresa edo erakunde batzuen aurrean hartzen edo onartzen den betebeharra. Konpromisoa da gure uria osatzen duten pertsonak, banaka edo taldean, onartzen duten arduren multzoa, beren gaitasunak eta ahalmenak guztion ongiaren zerbitzura eta helburu kolektibo partekatuen zerbitzura jartzeko.
- Gure konpromisoa: baliabideak eta bitartekoak jartzea guztion ongiaren zerbitzura eta helburu kolektibo partekatuen zerbitzura, hortik datozen betebeharrak onartuz.



## Ingurumenaren arloko jasangarritasuna

- Uste dugu ingurumenaren arloko jasangarritasuna gure uriko ekosistema epe luzean gorde ahal izatea bermatuko duten giza jardueren garapena dela. Horrek esan nahi du espazioak eta baliabideak modu eraginkorrean erabiltzea, hondakinak modu egokian kudeatzea eta ingurumena errespetuz tratatuko duten jokabideak sustatzea.
- Gure konpromisoa: ingurumenaren arloko arazoei buruzko kontzientzia hartzeko ekintzak bultzatzea; kontsumoko ereduak eta bizitzeko moduak aldatzea; gure uriko ekosistemaren inguruko jarrera arduratsuagoa, konprometituagoa eta solidarioagoa; baliabideen erabilera eraginkorrerako irtenbideak bilatzea eta gure urian daukan eragina murriztea.

## Elkarbizitza

- Beste pertsona batzuekin errespetuz eta tolerantziaz bizitzea da guretzat elkarbizitza. Urrian bizitzen jakitea. Horrek esan nahi du heziketa, gizalegea, adetasuna eta begirunea erabiltzea eguneroko bizitzan, bai eta umeen, adinekoen eta, oro har, gure inguruan dauden eta behar gaituzten pertsona guztien ongizateaz arduratzea. Hori guztia aniztasuna, kulturartekotasuna eta tolerantzia erabilita, eta hemen dauden eta etortzen ari diren arteko irekiera eta harrera sustatuz.
- Gure konpromisoa: elkarbizitzarako espazioak sortzea, errespeturako eta gure inguruko pertsonen zaintzarako; eta gure urira etortzen diren pertsonak hartzeko espazioak.

## Nortasuna

- Gure ustez, gure ezaugarrien eta balio propioen multzoa da nortasuna. Nondik gatozen onartuz eta baloratuz: historia, kultura, memoria, tradizioak eta idiosinkrasia, baina nortasun hori aldatu egin dela eta aldatu egingo dela eta beste ezaugarri batzuk hartuko dituela jakinik. Ezaugarri horiek sortzailea, berritzailea, irekia eta kulturartekoa dela adierazten dute.
- Gure konpromisoa: gure nortasuna osatzen duten elementu kulturalak eta sozialak gordetzea. Aldi berean, sormenerako eta berrikuntzarako aukak gaitasunetik datozen beste batzuk sartzea, eta gure urira etorri edo etortzen ari diren pertsonen ekarpenak sartzea.

## Esfortzua

- Gure ustez esfortzua hau da: proaktibitate eta profesionaltasunaren bidez, zailtasunak gaindituta, pertsonen, erakundeek, enpresek eta entitateek euren helburuak lortzeko erakutsi duten gaitasuna eta adorea. Horrek pertsona bakoitzaren esfortzua, iraunkortasuna eta ardura handia uztartzen ditu ilusioarekin eta borondatearekin, lorpen kolektiboak iristeko.
- Gure konpromisoa hau da: profesionaltasun eta esku zabaltasunetik abiatuta, uri bezala hobetzeari begira etorkizunean ipinitako helburuak lortzeko ahaleginak egitea.

## Erantzunkidetasuna

- Gure ustez erantzukizuna hau da: konpromiso eta betebeharrak partekatuz euren egiteko eta haien ondorioak onartzeko pertsonen, erakundeek, enpresek eta entitateek duten gaitasuna. Erantzunkidetasunak berekin dakar pertsonen eta entitateen denon onerako ekarpenak egin beharra.
- Gure konpromisoa hau da: auzokoen artean erantzunkidetasuna sustatzea; eta uriko erakundeek, enprek eta entitateek arteko erantzunkidetasunerako egiturak eta prozesuak erraztea.



## Parte-hartzea

- Gure ustez parte-hartzea hau da: entzunarazteko, erabakietan eragina izateko eta erantzunkidetasunez ekimenetan eta proiektuetan lan egiteko mekanismoen bidez, gure urian bizikidetzak hobetzen laguntzea.
- Gure konpromisoa hau da: pertsonak parte hartzeko prozesuetan esku hartzeko erakartzea, egoerarik ahulenetan dauden kolektiboen inklusioaz sentiberatasun berezia izanik.

## Konfiantza

- Gure ustez konfiantza hau da: pertsonen jokamoldea zintzoa eta elkarlanean izango dela itxarotea. Gizatalde batzuk gizartetik baztertuta egotea indartu egiten duten aurreiritziei eta estereotipoei aurre egiten die konfiantzak.
- Gure konpromisoa hau da: elkarrenganako konfiantza sustatzea, ezberdinen arteko elkarriketarako eta lankidetzarako espazioak sortuz; baita, sinesgarritasunari eta konfiantzari begira, gardentasunez eta egiazkotasunez jokatzeko ere.

## Sormena

- Gure ustez sormena hau da: jakin-nahia eta pentsamendu kritikoa bezalako ahalmenak garatuta, zer edo zer originala sortzea. Berrikuntzaren garapenaren hastapenean dago, sormen-prozesuaren ezarpen praktiko gisa.
- Gure konpromisoa hau da: sormena pizteko eta hori bideratzeko ingurune aproposa sortzea. Eta berrikuntzarako tresnak ematea, guztion ongirako sormenezko alternatibak identifikatuz, proposatuz eta esperimendatuz.

## Zintzotasuna

- Gure ustez zintzotasuna hau da: bai pertsonen, bai erakundeen, enpresen eta entitateen jokamolde egoki eta ondratua. Lorpen horretarako gardentasuna nahitaezkoa da. Elkarrenganako konfiantza finkatzeko beharrezko elementutzat jotzen dugu zintzotasuna.
- Gure konpromisoa hau da: pertsonen, erakundeen, enpresen eta entitateen jokamoldean zintzotasuna finkatzea. Baita gardentasunaren kultura sendotzea ere.

## Ilusioa

- Gure ustez ilusioa hau da: bizitzan jarrera positiboa edukitzea; guk hala gura badugu eta irmo jokatzu gero, geure uria hobetu dezakegula sinestea, alegia. Grin sentitzea eta alaitasunez eta interes biziz uriaren proiektu kolektiboari ekitea; gainera, eremu eta arlo guztietatik ekarpenak egin ahalko dira proiektu kolektibo horretarako. Beste alde batetik, aurkezten zaizkigun hobekuntza-aukerez gogoia berotzea.
- Gure konpromisoa hau da: sormenezko ideietan eta proiektu berritzaileetan, baina batez ere errealitate eta lorpenetan oinarritutako ilusio, itxaropen eta baikortasun-giroa sortzea.

## Osasuna

- Gure ustez osasuna hau da: gure urian bizi diren pertsonen bizi-kalitatea hobetzen duten aztura osasungarriak indartzeko bizimodu eta hiri-eredu egokiak geure egitea.
- Gure konpromisoa hau da: herritarren artean ohitura osasungarriak zabaltzea; dauden kirol ekipamendu, instalazio eta programak osatzea; elikadura eta ondo elikatzearen kultura hobetzea; eta osasunerako kaltegarriak diren substantzien kontsumoa murrizteko lan egitea.